



24. februar 2020

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

Naalackersuisunut apeqquutit:

1. Kalaallit nunaanni isertitsivinni, Danmarkimilu isertitsivinniittut kalaallit qassit procent-ii kinguaassiuutitigut pinerliisimasutut eqqartuussaasimappat, aammalu taakkunani qassit meeqqanut inuusuttunullu 18-it inorlugit ukiulinnut pinerliisimasuupat?
2. Kalaallit nunaanni eqqartuussivinni eqqartuussaasimasut naliginnaasumik qassit paarnaarunneqarnissaminut utaqqippat, aammalu taakkunanni qassit meeqqanut inuusuttunullu 18-it inorlugit ukiulinnut kinguaassiuutitigut pinerliisimasutut eqqartuussaasimappat?
3. Kalaallit nunaanni eqqartuussivinni suliassat qassit eqqartuussissutip nalunaarutigineqarnissaanut utaqqippat, aammalu taakkunanni qassit meeqqanut inuusuttunullu 18-it inorlugit ukiulinnut kinguaassiuutitigut pinerliisimasutut suliassaappat?
4. Suliassat qassit Kalaallit nunaanni politiini uninngappat, aammalu taakkunanni qassit meeqqanut inuusuttunullu 18-it inorlugit ukiulinnut kinguaassiuutitigut pinerliisimasutut suliassaappat?
5. Kalaallit nunaanni isertitsivinni tamani inissani qassit procentii atorreqarpat?
6. Kalaallit Nunaanni meeqqanut inuusuttunullu kinguaassiuutitigut pinerliisarnerit apparsarniarlugit suliniutit sorliit Naalackersuisut aamma/imaluunniit danskit naalackersuisui piareersimasuutigai, suliniutit Killiliisa-p aammalu Tasiilamut ikiorsiinerup saniatigut? Qaqugu suliniutit taakkua nalilersorneqarniarpat?
7. Pinerliisimasut isertitsivinnut inissinniarlugit, taamaalillunilu Kalaallit Nunaanni meeqqat inuusuttullu toqqissisimanartumik meeraasinnaanissaat aamma inuusuttuusinnaanissaat qulakkeerniarlugu suliniutit sorliit Naalackersuisut aamma/imaluunniit danskit naalackersuisui piareersimasuutigai?
8. Kinguaassiuutitigut pinerluttuliorfigineqarsimasut ilaqutaasullu inuunermi ingerlariaqqinnissaannut ikiorniarlugit Naalackersuisut aamma/imaluunniit danskit naalackersuisui qanoq ittunik pilersaaruteqarpat?

(Inatsisartunut ilaasortaq Anna Wangenheim, Demokraatit)

Tungavilersuut

Meerartagut inuusuttortagullu toqqissisimallutik peroriartorsinnaasariaqarput peqqittuullutik inersimasunngussagunik. Tamanna tamatta isumaqatigiissutigisinnaasariaqarparput. Ajoraluartumilli ullumikkut Kalaallit Nunatsinni tamanna ilumoortuunngilaq. Meeqqat inuusuttullu nakuuserfigineqartarput ajoraluartumillu Naalackersuisunit danskillu naalackersuisuinit suliniutit iluaqutaarpasingillat.

Kinguaassiuutitigut pinerliisartunut sukanganerusumik pinerliisarnissamut oqallinneq sakkortuseqqissimavoq, tamatumuunalu kisitsisinik piumasaqarpunga.



DEMOKRAATIT
DEMOKRATERNE

Danskit justisministeriat Naalackersuisumut Martha Abelsen-imut allangaqarsimavoq pinerliisarnerit sakkortunerit isertitsivinnut isertitanik ulikkaartitsissasoq paasissutissutigalugu. Isumaga malillugu tamanna kinguaassiutitigut pinerliisimasunut tulluuttumik pillaasannginnissamut utoqqatsissutitut atorneqarsinnaangilaq, nalunngilarpummi meeqqat inuusuttullu eqqugaasuusartut meeraalluarnissaat inuusuttualluarnissaallu qulakkeersinnaangikkutsigu.

Kissaatigaara apeqqutima ullut sulliviit naliginnaasut qulit iluanni akineqarnissaat.